



DECANUS  
FACULTATIS PHILOSOPHICÆ  
IN NOVA ACADEMIA GIESSENA;  
**M. CUNRADUS**  
THEODORICUS,  
PHILOSOPHIÆ MORALIS PROFESSOR  
Ordinarius, nec non Pædagogiarcha, suo &  
Dn. COLLEGARUM nomine,

*OMNIBUS ET SINGULIS LECTURIS S. P.*


**S**I quæ in benè cõstitutis Rebuspublicis honorifica, utilia & laudabilia sunt, Scholarum certè Publicarum Erecciones, Conservationes, & Amplificationes erunt. In his enim non tantùm sincera Religionis summa capita incorruptè proponuntur; Linguarum principia perspicuè traduntur; Artium humaniorum studia dextrè explicantur, & pietatis atq; virtutum semina teneris mentibus fideliter instillantur: Sed publica etiam honorum præmia conferuntur iis, quorum & eruditio publicè explorata, & morum integritas præ aliis commendata. Quæ quidem graduum insignia, non inania sunt vel otiosa spectacula, præter levem exigui temporis oblectationē, aut vanam aliquam gloriolam nihil præ se ferentia; neq; etiam ambitionis & superbix nocifera fomēta, sed diligentix & laudis, qua omnes, juxta Ciceronem, ad studia incenduntur, frugifera sunt incitamenta, quin & quædam quasi septa atq; repagula, intra quæ illi, qui studiis sese dederunt, continentur, ne latius evagentur, nevé sine pennis, quod ajunt, volare, aut remis velisq; remotis navigare conentur: sed modestè de se sentiant, ordinemq; in discendo justum attendant, quo neglecto, ut aliis in rebus omnibus, ita studiis quoq; rectè nihil, nihil laudabiliter, feliciter nihil inchoari, multò verò minus continuari, & ad exoptatum devolvi scopum potest. Meritò ergò divinis laudum præconiis deprædicandus erit Illustrissimus & Celsissimus Princeps ac Do-

PROGRAMMA.

ac Dominus, Dn. LUDOVICUS *Dei gratia Hassiæ Landgravius, &c.*  
 quod charissimam nostram Patriam, dulcissimo, veluti Pindarus de  
 bono Principe loquitur, Gratiarum rore rigavit, dum divino Spiri-  
 tus sancti afflatu motus, avito synceræ Religionis zelo percitus, pa-  
 terno Patriæ amore inflammatus, & Divinorū Prædecessorum Lau-  
 datissimorum heroico exemplo excitatus, in Illustri hoc Principatus  
 sui Propugnaculo, Scholam, pietatis, artium, & virtutum officinam  
 instructissimam, liberaliter primùm aperuit, apertam verò, divinæ  
 rerum omnium Moderatricis providentiæ assistentiâ, & RUDOLPHI  
 II. *Imperat. semper Augusti, &c.* Auctoritate & clementiâ, laudabili-  
 ter *Privilegiis Academicis*, præter plurimorum spem & expectatio-  
 nem ita amplificavit, ut celeberrimis Imperii Romani Universitati-  
 bus annumerata, omnibus & singulis earundem Immunitatibus li-  
 berè uti & frui possit & debeat: Pro quo divino planè beneficio, &  
 amplissimo Patriæ nostræ Ornamento, justum omninò & æquum  
 est, ut DEO ter Opt. Max. supremo Moderatori; Inviçtissimo Impe-  
 ratori, augustissimo Largitori, Illustrissimo Principi, benignissimo  
 Fundatori, devotis precibus immortales gratias agamus: Cum verò  
 inter Immunitates hæc Academicas, vel præcipua sit publica in sin-  
 gulis Facultatibus Graduum honorum collatio, gravissimo sanè Ma-  
 jorum consilio in omnibus Universitatibus prudentissimè sancita, &  
 utilissimè hæctenus observata: Eandem etiam Illustrissimus noster  
 Princeps in hanc Celsitudinis suæ Novam Academiam salubriter in-  
 troduci, & religiosè observari voluit: Ac proinde in augustiorem  
 Introductionis Academicæ Solennitatem, singularem item Faculta-  
 tis Philosophicæ honorem & dignitatem, altera à Publicatione Pri-  
 vilegiorum Cæsareorum die, Publicum Promotionis Magistrorum  
 Philosophiæ Actum solenniter institui & celebrari clemētissimè de-  
 mandavit. Quod igitur Academiæ huic Novæ, Ecclesiæ, Politicæ, ad-  
 eoq; universæ Patriæ nostræ felix, faustum & salutare esse velit æter-  
 nus Deus, ad proximam diem Jovis, quæ erit Octobr. VIII. com-  
 munitibus Collegii Philosophici suffragiis, Superiorum auctoritate  
 interveniente, publico, eoq; primo Actu XXVIII. honestis & do-  
 ctis Viris-Juvenibus, ob insignem eruditionem & morum integrita-  
 tem sufficienter antè exploratam & commendatam, Summum Phi-  
 losophiæ Gradum *Magisterii* nimirum Titulum & dignitatem cō-  
 feremus. Quapropter omnes omnium Ordinum & Facultatum Do-  
 ctiores,

PROGRAMMA.

Auditors, Magistros & Professores officiosè rogamus, Studiosos verò & reliquos Academiae Cives amanter invitamus, & hortamur, ut hora praedictae diei ante meridiem septimam in Templo Urbis frequentes convenire, publicam hanc Actus nostri festivitatem, praesentiam suam non solum exornare, eaque suum erga Dn. Candidatos totumque nostrum Collegium, animum propensum ac benevolum declarare: Verum etiam Novam hanc Academiam, Ecclesiam & Rempubl. piis suis precibus unam nobiscum Deo ter Opt. Max. devotè commendare velint. Clementissimus Pater Domini nostri JESU CHRISTI summus Scholarum Auctor & Conservator, Illustrissimum Principem, nutritium nostrum benignissimum, sub umbra alarum suarum diu sospitem & incolumem conservet & protegat, Academiae dulcissima halcyonia tribuat, tam docentes quam discentes in eadem cumulet, eosque Spiritu suo Sancto regat, ut ea tantum doceant & dicant, discant & agant, quae Ecclesiae salutaria, Reipubl. utilia, Academiae honorifica: ut ita verè πηγὴ καλῶν, fons omnis boni, pietatis & honestatis ejusdemque; auspiciis felix, incrementum felicius, complementum felicissimum esse possit. P.P. Octobr. die 4. qua ipsa ante annos XCV. B. Lutherus Theologiae Licentiatum in Academia Wittebergensi publicè renunciatus est: Eobanus verò Hessus Poëtarum sui seculi Princeps ante annos LXVII. placidè in Christo obdormivit. Anno ACADEMIAE NOVAE GIESSENÆ MDCLVII.



Errata. p. 1. lin. 11. haec verba: Consilarii Illustrissimorum nostrorum PP. l. post haec, Dn. praefecti. p. 4. lin. 15. pro Catena, Casena. s. l. 5. dicunt l. dum. lin. 28. dele punctum, & pro audite l. Auditores. 7. l. 18. perfecto l. profecto. 13. l. 27. aliud l. illud. 21. l. 14. T. l. F. 22. l. penult. dele & 23. l. 11. de praedicatione. 25. l. 20. del. punct. 46. v. 4. throni. p. 54. v. 2. in quillibus, &c.